

農農

桑桑

輯輯
衣食

要(一一)
撮要



農桑輯要

(二)

元世祖敕農司撰

編主五雲王

編初成集書叢

種一他其及要輯桑農

冊 二

中華民國二十五年十二月初版

徐

發行人

王 上海河南路
雲 五

印刷所

商 上海河南路
務 印書館

發行所

商 上海及各埠
務 印書館

農桑輯要卷五

瓜菜

種瓜 黃瓜 附

齊民要術收瓜子法常歲歲先取本母子瓜截去兩頭止取中央子

本母子者瓜生數葉便結子子復早熟用中輩瓜子者蔓長二三尺然後結子用後輩子者蔓

長足然後結子子亦晚熟種早子熟速而瓜小種晚子熟遲而瓜大去兩頭者近蒂子瓜曲而細近頭子瓜短而喝又收瓜子法食瓜時擇美者收取即以細糠拌之日曝向燥授而種之淨而且速也

良田小豆底佳黍底次之

刈訖即耕頻翻轉之二月上旬種者爲上時三月上旬爲中時四月上旬爲下時五月六月上旬可種藏

瓜凡種瓜法先以水淨淘瓜子以鹽和之

鹽和則不能死

先臥鋤耨卻燥土

不穰者阡雖深大常雜燥土故瓜不生

然後培

蒲溝切

坑大如

斗口納瓜子四枚大豆三箇于堆旁向陽中瓜生數葉掐去豆

瓜性弱苗不能獨生故須大豆爲之起土瓜生不去豆則豆反扇瓜不能滋茂但豆斷汁出更成良潤勿拔之

拔之則土虛燥也

多鋤則饒子不鋤則無實

五穀蔬菜果蔬之屬皆如此也藏郎果切

黃瓜

一名胡瓜

四月中種之

宜豎柴木令引蔓緣之案黃瓜一條原本誤入治瓜籠法中據目錄小

註考之當在此錄之末今校正

治瓜龍法

齊民要術。旦起露未解。以杖舉瓜蔓。散灰于根下。後一兩日。復以土堆其根。則永無蟲矣。又摘瓜法。在步道上。引手而取。勿聽浪人。踏瓜蔓。及翻覆之。若無灰而種瓜者。地雖美好。正得長苗直引。無多槃岐。故瓜少子。若無灰處。豎乾柴。亦得。凡瓜所以早爛者。皆由腳壓。及摘時不慎。翻動其蔓故也。若以理慎護。及至霜下。葉乾。子乃盡矣。

區種瓜法

齊民要術。六月雨後種菉豆。八月中犁掩殺之。十月又一轉。即十月終種瓜。率兩步爲一區。坑大如盆口。深五寸。以土壅其畔。如菜畦形。坑底必令平正。以足踏之。令其保澤。以瓜子大豆各十枚。徧布坑中。瓜子大豆兩物爲雙。藉其起土故也。以糞五升覆之。亦令均平。又以土一斗。薄散糞上。復以足微蹠之。冬月大雪時。速併力推雪於坑上。

爲大堆。至春草生。瓜亦生。莖葉肥茂。異於常者。且常有潤澤。旱亦無害。五月瓜便熟。其招豆鋤瓜之法。與常同。若瓜子盡生。則大概宜掐。

去之一區四根即足矣。又法。冬天以瓜子數枚。納熟牛糞中。凍即拾聚。置之陰地。量地多少。以足爲限。正月。地釋即耕。逐暘布之。

率方一步。下一斗糞。耕土覆之。肥茂早熟。雖不及區種。亦勝凡瓜遠矣。有蟻者。以牛羊骨帶隨者。置瓜科左右。待蟻附。將棄之。棄二三。則無蟻矣。案此條首行。原本脫去。齊民要術書名。今校增。崔寔曰。十二月臘時。祀炙蕙。所甲切。樹瓜田四

角去甚。

胡蘆反。瓜中
蟲謂之甚。

龍魚河圖曰。瓜有兩鼻。殺人。

博聞錄。種花藥最忌麝。瓜尤忌之。賸栽數株。蒜薹遇

麝不損。

西瓜

新添西瓜。種同瓜法。科宜差稀。多種者。熟地垡頭上。漫擲撈平。苗出之後。根下擁作土盆。欲瓜大者。一步留一科。科止留一瓜。餘蔓花皆掐去。瓜大如三斗栲栳。

冬瓜

齊民要術。種冬瓜法。傍牆陰地作區。圓二尺。深五寸。以熟糞及土相和。正月晦日種。二月三月亦得。既生。以柴木

倚牆。令其緣上。旱則澆之。八月斷其梢。減其實。一本但留五六枚。多留則不成也。十月霜足。收之。早收則爛。冬瓜越瓜

瓠子。十月區種。如種瓜法。冬則堆雪著區上。爲堆潤澤肥好。乃勝春種。

瓠 今名葫蘆

古通曰瓠

齊民要術。汜勝之書曰。區種瓠法。收種子須大者。若先受一斗者。得收一石。受一石者。得收十石。先掘地作坑。方圓深各三尺。用蠶沙與土相和。令中半。若無蠶沙。生牛糞亦得。著坑中。足踏令堅。以水沃之。候水盡。卽下瓠子。

十顆。復以前糞覆之。既生。長二尺餘。便總聚十莖一處。以布纏之五寸許。復用泥泥之。不過數日。纏處便合爲一莖。留強者。餘悉掐去。引蔓結子。子外之條。亦掐去之。勿令蔓延。留子法。初生二三子不佳。去之。取第四五六區留三子。卽足。旱時。須澆之。坑畔周匝小渠子。深四五寸。以水停之。令其遙潤。不得坑中下水。家政法曰。二月可種瓜瓠。四時類要。種大葫蘆。二月初掘地作坑。方四五尺。深亦如之。實填油麻菥豆藍同 稽及爛草等。一重糞土。一重草。如此四五重。向上尺餘。著糞土。種十來顆子。待生後。揀取四莖肥好者。每兩莖肥好者。相貼著。相貼處。以竹刀子刮去半皮。以刮處相貼。用麻皮纏縛定。黃泥封裹。一如接樹之法。待相著活後。各除一頭。又取所活兩莖。準前刮去皮相著。一如前法。待活後。唯留一莖。四莖合爲一本。待著子。揀取兩箇周正好大者。餘有旋旋除去食之。如此一斗種。可變爲盛一石物大。此莊子魏惠王大瓠之法。

芋

齊民要術。汜勝之書曰。種芋區。方深皆三尺。取豆其音其內區中。足踐之。厚尺五寸。取區上濕土。與糞和之。內區中其上。令厚尺二寸。以水澆之。足踐令保澤。取五芋子。置四角及中央。足踐之。旱數澆之。其爛芋生子。皆長三尺。一區收三石。又種芋法。宜擇肥緩土。近水處。和柔糞之。二月注雨。可種芋。率二尺下一本。芋生根欲深。剮其旁。以緩其土。旱則澆之。有草鋤之。不厭數多。治芋如此。其收常倍。列仙傳曰。酒客

爲梁丞使民益種芋。三年當大飢。卒如其言。梁民不死。

芋可以救饑。饑凶年。今中國多不以此爲意。後生至有耳目所不聞見者。及水旱風蟲霜雹之災。便致餓死滿道。白骨交橫。

知而不種。坐觀泯滅。悲夫。

務本新書。芋宜沙白地。地宜深耕。二月種爲上時。相去六七寸。下一芋。芋羞三月。衆人來往。眼目多見。并聞刷鍋聲處。多不滋息。比及炎熱。苗高則旺。頻鋤其旁。秋生子葉。以土壅其根。芋可以救饑。饑蟲蝗不能傷。霜後收之。冬月食。不發病。其餘月分。不可多食。霜後芋子上芋白。擘下。以滾漿水燻過。曬乾。冬月炒食。味勝蒲笋。區芋。區長丈餘。深闊各一尺。區行相間一步寬。則透風滋息。

葵

齊民要術。

葵。廣雅曰。薔邱葵也。廣志曰。胡葵。其花紫赤。案今世葵有紫莖白莖二種種別。復有大小之殊。又有鴨腳葵也。

臨種時。必曝曬葵子。

葵子雖經歲不涸。然濕種者。疥而不肥也。

地不厭良。故

墟彌善。薄卽糞之。不宜妄種。春必畦種。水澆。

春多風旱。非畦不得。且畦者省地而菜多。一畦供一口。

畦長兩步。廣一步。

大則水難均。又不容人足入。

深掘。

以熟糞對半和土。覆其上。令厚一寸。鐵齒耙耨之。令熟。足踏使堅平。下水令徹澤。水盡。下葵子。又以熟糞

和土覆其上。令厚一寸餘。葵生三葉。然後澆之。

澆用晨夕。日中便止。

每一掐。輒耙耨地。令起。下水加糞。三掐更種。一歲

之中。凡得三輩。

凡畦種之物。治畦皆如種葵法。不復條列繁文。

早種者。必秋耕。十月末。地將凍。散子勞之。

一畝三升。正月未散子亦得。

人足踏踐之。乃

佳。踏者地釋卽生。鋤不厭數。五月初更種之。春者既老。秋葉未生。故種此相接。六月一日種白莖秋葵。白莖者宜乾。紫莖者乾則黑而澁。秋葵堪

食。仍留五月種者取子。春葵子熟不均。故須留中壟。於此時附地剪卻春葵冷根上枿。音生者柔輒至好。仍供常食。美于

秋菜。留之。亦中爲榜簇。掐秋葉。必留五六葉。不掐則莖孤。留葉則科大。凡掐葵。必待露解。諺曰。觸露不掐。葵日中不剪韭。八月半剪去。留其岐。岐多者。則去地一二寸。獨莖

者亦可去地四五寸。枿生肥嫩。比至收時。高與人膝等。莖葉皆美。科雖不高。菜實倍多。其不剪早生者。雖高數尺。柯葉堅硬。全不中食。所可用者。唯有菜心。附葉黃澁

至惡。煮亦不美。看雖似多。其實倍少。收待霜降。傷早黃爛。傷晚黑澁。榜簇皆須陰中。見日亦澁。其碎者割訖。卽地中尋手糺之。待莖而糺者必爛。崔寔曰。

六月六日可種葵。中伏後可種冬葵。九月作葵。蒞乾葵。

茄子

齊民要術種茄子法。茄子九月熟時。摘取擊破。水淘子。取沈者。速曝乾。裹至二月畦種。治畦下水。一如葵法。性宜水。常須潤澤。著

四五葉。雨時。合泥移栽之。若早無雨。澆水令微澤。夜栽之。白日以席蓋。勿令見日。十月種者。如區種瓜法。推雪著區中。則不須栽。其春種

不作畦。直如種凡瓜法者。亦得。惟須曉夜數澆耳。務本新書。茄初開花。斟酌窠數。削去枝葉。再長晚茄。

秋深老茄。煮軟。水浸去皮。以鹽拌勻。冬月食用。旋添麻油爲上。

蔓菁

齊民要術種不求多惟須良地故墟新舊壞牆垣乃佳。

若無故墟糞者以灰爲糞令厚一寸灰多則燥不生也。

耕地欲熟七月初種之一

畝用子三升。

從處暑至八月白露節皆得早者作速晚者作乾。

漫散而勞種不用濕。

潤則地堅葉焦。

既生不鋤九月末收葉。

晚收則黃落。

仍留根取子。

十月中犁麤畦。

力穰反耕田起土也。

捨取耕出者。

若不耕畦則留者莢不茂實不繁也。

其葉作菹擬作乾菜及釀。

女亮反。

菹者。

釀菹者次年正月始作耳須留第一好菜。

之割訖則尋手擇治而辦。

並善切。

之勿待萎。

萎而後辨則爛。

掛著屋下陰中風涼處勿令煙熏。

煙熏則苦。

燥則止在廚積置

以苦之。

積時宜候天陰潤不爾多碎折久不苦則澀也。

春夏畦種供食者與畦葵法同剪訖更種從春至秋得三輩常供好菹取根者

用大小麥底六月中種十月將凍耕出之。

一畝得數車早出者根細。

又多種蔓菁法近市良田一頃七月初種之。

六月種者。

根雖大葉復食七月末者葉雖青潤根復細小七月初種根葉俱得。

漢桓帝詔曰橫水爲災五穀不登令所傷郡國皆種蔓菁以助民食然此可

以度凶年救饑饉乾而蒸食既甜且美。

若值凶年一頃可活百人。

務本新書耕地宜加糞往復勻蓋秋初可種自破甲

至結子皆可食十月初採苗燥作和菜餘者曬過留根在地或盧河朔地寒凍死可于十月終以牛隔兩犂耕一犂拾去菜根之後卻將噶土擺勻據先耕出之數曬過冬月蒸食甜而有味春生薑苗亦菜中上

品。四月收子打油。陝西惟食菜油。然燈甚明。能變蒜髮。比之麻。易種收多。油不發風。武侯多勸種此菜。故川蜀曰諸葛菜。油臨時熬用。少摻芝麻。煉熟。即與小油無異。

蘿蔔

胡蘿
蔔附

齊民要術。種菰蘆菔。

蒲比反。

法與蔓菁同。

菰菜似蕪菁而大。方言曰。蔓菁。紫花者。謂之蘆菔。根實大。其角及根葉。並可生食。取子者。草覆之。不則凍死。

四時類要。種蘿蔔。宜

沙輦地。五月犁五六遍。六月六日種。鋤不厭多。稠即小間。拔令稀。至十月收窖之。新添種蘿蔔。先深斲成畦。杷平。每畦可長一丈二尺。闊四尺。用細熟糞一擔。勻布畦內。再斲一徧。即起覆土。再耨平。澆水滿畦。候水滲盡。撒種子。上用木杪勻撒。覆土。苗出兩葉。旱則澆之。每子一升。可種二十畦。水蘿蔔。正月二月種。六十日。根葉皆可食。夏四月亦可種。大蘿蔔。初伏種之。水蘿蔔。末伏種。皆候霜降。或醃或藏。皆得用。如要來年出種。深窖內埋藏。中安透氣草一把。至春透芽。生取出。作壠或畦。下糞栽之。旱則澆。須令得所。夏至後收子。可爲秋種。胡蘿蔔。伏內畦種。或壯地漫種。

蜀芥芸薹芥子

齊民要術。蜀芥芸薹。取葉者。皆七月半種。地欲糞熟。種法與蕪菁同。既生。亦不鋤之。十月收蕪菁訖時。收

蜀芥。中爲鹹淡二種。
亦任爲乾菜。

芸薹足霜亦收。不足霜
即斲。

種芥子及蜀芥芸薹。取子者。皆二三月好雨澤時種。

二物性不耐寒。
經冬則死。故須

種。春旱則畦種水澆。五月熟而收子。芸薑冬天草覆亦得取子又得生茹供食。

務本新書芥子菜宜秋前種。大概雖不及蔓菁。餘亦

頗同。子作芥花芥末。如近城郭芥菜宜多種。蓋冬月醃藏家家用度。曬乾于無煙雨處架起。三年亦可食。

薑

齊民要術薑宜白沙地。少與糞和。熟耕如麻地。不厭熟。縱橫七徧尤善。三月種之。先種耨耩。尋壟下薑。一

尺一科。令上土厚三寸。數鋤之。六月作葦屋覆之。

不耐寒熱故

九月掘出置屋中。

中國多寒宜作窖以穀得合埋之得奴勒反穀穰

中國土

不宜薑。僅可存活。勢不可滋息。種者聊擬藥物小小耳。崔寔曰。三月清明節後十日。封生薑。至四月立

夏後蠶大食。芽生可種之。九月藏此。

將凡反

薑其歲若溫。皆待十月。

生薑謂之此薑

四時類要種薑闊一步作畦。長

短任地形。橫作壟。相去一尺餘五六寸。壟中一尺一科。帶芽大如三指闊。蓋土厚三寸。以蠶沙蓋之。糞亦得。芽出後有草即耘。漸漸加土。已後壟中卻高。壟外即深。不得併上土。鋤不厭頻。

菌子

四時類要三月種菌子。取爛構一名楮

木及葉。于地埋之。常以泔澆令濕。三兩日即生。又法畦中下爛糞。

取構木可長六七寸。截斷碎。如種菜法。于畦中勻布。土蓋水澆。長令潤。如初有小菌子。仰杷推之。明旦

又出亦推之三度後出者甚大即收食之本自構木食之不損人。

蒜

齊民要術蒜宜良輦地。

白軟地蒜甜美而科大黑軟次之剛強之地辛辣而瘦小也。

三徧熟耕九月初種種法黃鳴時以耬耩逐壟手下之。

五寸一株。

諺云左右通鋤一萬餘株。

空曳勞二月半鋤之令滿三徧。

勿以無草而不鋤不鋤則科小。

條拳而軋之。

不軋則獨科。

葉黃鋒出則辦於

屋下風涼之處桁之。

早出者皮赤科堅可以遠行晚則皮嫩而易碎他骨反皮壞也。

冬寒取穀得布地一行蒜一行得。

不爾則凍死。

收條中子種者

一年爲獨辦種二年者則成大蒜科皆如拳又逾于凡蒜矣。

瓦子壟底置獨辦蒜于瓦上以土覆之蒜科橫闊而大形狀殊別亦足以爲異今并州無大蒜朝歌取種一歲之後

還成百子蒜矣其瓣麤細正與條中子同燕薺根其大如碗口雖種他州子一年亦變大蒜瓣變小燕薺根變大二事相反其理難推又

八月中方得熟九月中始刈得花子至于五穀蔬果與餘州早晚不殊亦一異也并州臨上度井陘已東山東穀子入遼關上黨苗而無

實皆余目所親見傳信傳疑蓋土地之異者也。

種澤蒜法預耕地熟時採取子漫散勞之澤蒜可以香食吳人調鼎率多用此根葉

作菹更勝葱非此物蕃息一種永生蔓延滋蔓年年稍廣間區斷取隨手還合但種數畝用之無窮種者

地熟美于野生崔寔曰布穀鳴收小蒜六月七月可種小蒜八月可種大蒜四時類要種蒜作行下

糞水澆之務本新書蒜畦栽每窠先下麥糠少許地宜虛春暖則鋤拔薹時頻澆刈麥時人多食解暑

毒。

種蔥

齊民要術。薤宜白軟良地。三轉乃佳。二月三月種。八月九月種亦得。率七八支爲一本。諺曰。蔥三薤四。移蔥者三支爲一本。種薤者四支爲一料。然支多者料圓。

大故以七八爲率。薤子三月葉青便出之。未青而出者肉未滿令薤瘦。燥曝按去莖餘切卻殭根。留殭根而濕者即瘦細不得肥也。先重耨耨地壟燥

培而種之。壟燥則薤肥。耨重則自長。率一尺一本。葉生卽鋤。鋤不厭數。薤性多穢。荒則羸瘦。五月初耨。不耨則白短。葉不用剪。剪則損白。

供常食者別種。九月十月出賣。經久不佳也。擬種子至春地釋卽曝之。崔寔曰。正月可種薤韭。七月別種薤矣。四時

類要。正月上辛日。掃去薤畦中枯葉。下水加糞。

蔥

齊民要術。收蔥子必薄布陰乾。勿令溫鬱。蔥性熱。不喜溫鬱。溫鬱則不生。其擬種之地必須春種菜豆。五月掩殺之。比至七

月耕數徧。一畝用子四五升。良田五升。薄地四升。炒穀拌和之。蔥子性澁。不以穀和。下不均。開不炒穀。則草穢生。兩耨重耨。數瓠下之。以批。蒲結契

蘇結。繫腰曳之。七月納種。至四月始鋤。鋤徧仍剪。剪與地平。高留則無葉。深剪則傷根。剪欲旦起。避熱時。良地三剪。薄地

再剪。八月止。不剪則不茂。剪過則根跳。若八月不止。則蔥無袍而損白。十二月盡掃去枯葉枯袍。不去枯葉。春藥則不茂。二月三月出之。良地二月出。薄地三月出。收子

者別留之。葱中亦種胡荽。尋手供食。乃至孟冬爲蒔。亦不妨。四時類要。種葱炒穀攪勻。塞畦一眼。於一眼中種之。他月葱出。取其塞畦一眼之地。中土培之。疏密恰好。又不勞移。

韭

齊民要術。收韭子如葱子法。

若市中買韭子。宜試之。以銅鑪盛水。于火上微煮。韭子須與芽生者好。芽不生者是泔糞矣。

治畦下水糞。覆悉與葵同。然畦欲極深。

韭一剪一加糞。又根性上跳。故須深也。

二月七月種。種法以升蓋合地爲處。布子于園內。

韭性內生。不向外長。園種令科成。

薅令常淨。

韭性多穢。數薅爲良。

高數

寸。剪之。

初種歲止一剪。

至正月。掃去畦中陳葉。凍解。以鐵杷耨起。下水加熟糞。韭高三寸。便剪之。剪如葱法。一歲

之中。不過五剪。

每剪杷耨下水。加糞悉如初。

收子者。一剪卽留之。若早種者。但無畦與水耳。杷糞悉同。一種永生。

諺曰。韭者懶人菜。以

其不須歲耨也。歷類曰。韭者久也。一種永生。

崔寔曰。正月上辛日。掃除韭畦中枯葉。七月藏韭菁。

菁韭花也。

四時類要。九月收韭子。

種韭第一番。割葉之。主人勿食韭。不如栽作行。令通鋤割一徧。以杷耨之。令根不相接爲佳。如此。當葉闕如薤。博聞錄。韭畦若用雞糞尤好。

胡荽

齊民要術。胡荽宜黑輦青沙良地。三徧熟耕。樹陰下得禾豆處亦得。春種者。用秋耕地。開春凍解。地起有潤澤時。急接

澤種之種法。近市負郭田一畝。用子二升。故概種漸鋤。取賣供生菜也。外舍無市之處。一畝用子一升。疎密正好。六七月種。先燥曬。欲種時。布子于堅地。一升子與一掬濕土和之。以腳蹉令破作兩段。多種者以磚瓦蹉之亦得

以木簪鑿之亦得。子有兩仁。仁仁各著。故不破兩段。則疎密水裏而不生。著土者。令注入穀中。則生疾而長速。種時欲燥。此菜非雨不生。所以不求濕下也。

於旦暮潤時。以耒耨作壟。以手散子。即勞令

平。春雨難期。必須藉澤。蹉蹉失機。則不得矣。地正中凍解者。時節既早。雖浸芽不生。但燥種之。不須浸子。地若二月始解者。歲月稍晚。恐澤少。不時生。失歲計矣。便于暖處。籠盛胡荽子。一日三度。以水沃之。二三日則芽生。于且暮時。接潤漫擲之。數日悉出矣。大體與種

麻相似。假令十日二十日未出者。亦勿怪之。尋自當出。有草乃令拔之。
菜生二三寸。鋤去概者。供食及賣。十月足霜。乃收之。取子者。仍留根間。古寬反。

拔令稀。

概即不生。

以草覆上。

覆者得供生食又不凍死。

又五月子熟。拔取曝乾。

勿使令濕。濕則衰鬱。

格柯打出。作蒿簍盛之。冬日亦得入窖。

夏還出之。但不濕。亦得五六年停。一畝收十石。都邑糶賣。若堪一疋絹。若地柔良。不須重加耕墾者。於子熟時。好子稍有零落者。然後拔取。直深細鋤地。一徧。勞令平。六月連雨時。魯音呂生者。亦尋滿地。省耕種之勞。秋種者。五月子熟。拔去。急耕十餘日。又一轉。入六月。又一轉。令好調熟。如麻地。即於六月中旱時。耒耨作壟。蹉子令破。手散還勞令平。一同春法。但既是旱種。不須耒潤。此菜旱種。非連雨不生。所以不同春月。要求濕。下種後。未遇連雨。雖一月不生。亦勿怪。麥底地亦得種。止須急耕調熟。雖名秋種。會在六月。六月中無不霖。遇連雨生。則根強科大。七月種者。雨多亦得。雨少則生不盡。但根細科小。不同六月種者。便十

倍失矣。大都不用。觸地濕生高數寸。鋤去概者。供食及賣。作菹者。十月足霜乃收。一畝兩載。載直絹三疋。若留冬食者。以草覆之。得竟冬食。其有春種小小供食者。自可畦種。畦種者。一如葵法。按子沃水生芽。種之。蓋用箔蓋。夜則去之。晝不蓋。熱不生。夜不去蟲。棲之。凡種菜子難生者。皆水沃令芽生。無不即生矣。博聞錄。胡荽必用月晦日晚下種。

菠薐 一名赤根

博聞錄。菠薐過月朔乃生。須二十七八間種之。月初即生。新添菠薐。作畦下種。如蘿蔔法。春正月二月皆可種。逐旋食用。食不盡者。滾湯內掠熟曬乾。遇園枯時。溫水浸軟。調食甚良。秋社後二十日種者。可於窖內收藏。冬季常食青菜。如欲出子。十月內種訖。至地凍時。水澆過。來年夏至後收子。可為秋種。

萵苣

新添萵苣。作畦下種。如前法。但可生芽。先用水浸種一日。于濕地上鋪襯。置子於上。以盆碗合之。候芽微出。則種。春正月二月種之。可為常食。秋社前一二日種者。霜降後可為醃菜。如欲出種。正月二月種之。九

同萵